



屏溪先生集一

詩

共三十

^16
2419
1



2419
-30

屏溪先生集卷之一目錄



詩

在花山家親任所與圃巖堂兄

鳳朝

登城覽春

與圃巖堂兄歸竹院至溪川巖上得西字共賦

贈別花山貢生韓國望

陪外舅朴公

星錫

湖上臯蘭寺還宿自溫臺

大哉閣與岳丈仰瞻尤翁所書 孝廟賜李白

江相公 批旨語石刻遂共四拜

翰林巖次杜律韻

與圃巖堂兄舍弟李章

鳳五

及姨兄尹聖惠

百

和 李友瑞九 夏龜 舟遊杏湖

有事猝作德山行路中口占寄舍弟

與朴汝貫 曾錫 諸丈會話細銀庵

題重峯趙先生萬言疏後

別圃巖堂兄赴濟原任所

挽朴延豐 鎮

在竹院與圃巖堂兄舍弟及瑞九釣魚尊池

送李瑞九之嘉林轉向圃巖堂兄濟原郵軒

權敬仲 定性 與黃子直 梓 同舟還清風余約與

同行適以病不能後渡松波憶二友

止宿慶安李文 壽聘 家道上口占

八華陽洞坐老先生書室有感

崇禎皇帝御筆所刻石龕

歸路復至 萬東桐有感

俗離寺

福泉寺東臺

與督郵兄家弟同李季通 漢 李汝五 秉常 金仲

禮 在魯 遊曹溪

月岳德周寺別成師傅達卿 晚微 相贈一律

將還敬呈先生座下

踏青日與堂伯兄鳳韶舍弟同權調元煥閱思

仲齊賢姜士咸蒼溥權仲蘊瑩李瑞九李聖

質廷樸俞童子肅基及心衡心宰八黃鶴洞

與圃巖堂兄姜士咸溯八黃江拜先生四月十

九日發船龍湖堂伯兄舍弟與權持平明仲

煥沈上舍而天聖希同舟來別共賦輕字

日暮行舟止宿李友道伯思江亭

過 寧陵

清心樓得高字

神勒寺東臺得臺字

挽成徵君達卿晚徵

守一菴次遂菴先生韻

三仙巖得仙字

鳳棲亭得舟字

寒碧樓得寒字

清心樓月夜聞笛

挽翠巖姜參秦錫朋

追挽韓永叔弘祚

昨夏大雨道峯山崩枕流堂前亂石堆填尤翁
筆刻大石無去處嗟嘆之餘聊吟一絕

外舅黃山故宅述懷書贈新源

挽李丈

壽 聃

送尹正季亨

陽 未

赴燕

登金水亭

趙子以

尚 健

謫行索贖未及副追呈一律

舟向黃江過廣津口占

挽李林川

湛

與俞子成

默 基

孟仲明迎拜函文於槐山行中

挽李仲謙

顯 益

詠玉溪呈堂兄二座兼示章弟衡姪

挽趙應教子以

投宿道峯桃源村

道中憶兒子

自黃江歸宿樓巖鄭聖聞

舜 河家

黃江遇蔡師傅君範

之 洪

蔡進士

之 叔

同船至

可興送還清州

楮子島登尹將軍亭子

湯艾坐屏溪

自玉溪歸聞李仲久

樛

與吾兩從氏及章弟平

姪往復酬唱成一大軸拈次一律

與參議兄章弟衡宰兩姪上靈臺菴呼韻

次圃巖堂兄屏溪雜詠

雨後田家吟

和申明允曠述懷

次弟妹詩

姜士咸謫居善山以一律寄呈

賦秋懷寄金子三壽錫淳夫壽鏐兄弟

與舍弟會兩堂兄及金子三共次放翁韻

聞致雲誣毀師門為上辨章與韓德昭元震道

中口占

次心宰韻

拈韻共賦

茂陵臺洞口與甌山兄同行呼韻

無限城野中

次舍弟感懷韻

寄李瑞九仍思都事從兄謫居

韓季明裕震出韻共次仍示感懷

各拈別韻與季明要和

八月奉板輿向道州與季章及妹弟同奉至牙

山地分路

登嶺南樓

挽李進士

命集

設養老宴老人李生景濂以詩謝之走筆答之
自石谷冒雪還溪上道間口占

病伏窮山聞李汝剛

綵

舊和移窠龍仁遂得絕

句六章送薦靈座

挽趙相國

泰采

遷葬

到達城與半刺沈友重賢安陰舊使君俞友學

基往賞南谷小瀑主人呼韻共賦

金最兼吳大讓徒步來見其歸請詩走筆以贈

李子益仙巖酒席拈東律韻

克明上人自瑞石訪我屏溪展示舊軸

挽趙利川君望

斗彬

挽李公舉

東

寒峯精舍阻雨宿留憶癸卯舊遊

次金元輔

聖柱

韻

寄呈參判兄瀛海之謫

新築槐壇安進士晦之

世光

美卿

世美

兄弟以

詩賀之謹次其韻

效堯夫非是愛吟詩體九章和姜聖瑞

鳳米

次李治伯 國馨韻

次金士凝 命鉉韻

伽伽九曲次武夷九曲韻 並序

次仙巖主人李子益寄韻

次盤谷金監司克念 祖澤韻

明府洪文饒 啓裕 謂玉溪在洞口故淺而卧龍

之幽淡為可愛聊得別韻以賦

萬樹鵲花照耀一壑與舍弟約同諸老少往賞

玉溪坐石門其次放翁韻

同明府尋講堂水石到仙巖次季章韻贈主人

坐講堂泉石與舍弟及明府洪文饒姜聖瑞李

子益呼韻共賦

遊小仙洞得一區巖瀑緯協兩兒請渠分管將

一絕句書兩紙各贈之

奉次申延安 聖夏韻

朝家用內舅原從勞追 恩外王考迎 誥日

家弟鳳五以詩志慶謹以其韻拜上內舅

與季章共姜聖瑞韓季明安晦之姨弟尹汝朝

百宗 遊小仙洞

五月十六夜與家弟乘月訪安晦之次放翁韻

六月十五日聞眾仙洞有水石勝處與家弟及安晦之乘夕往訪之拈次放翁韻

次姜聖瑞賞花韻

姜聖瑞宅賞蓮

七月望日安晦之來宿季章拈放翁韻共賦

再疊人字韻奉和申延安丈

山居感興

新昌宰李中甫

嵩鎮

金注書淳夫來訪留話次

中甫韻

戒韓友德昭冠心緯季明贊冠事金友靜而

時

淨醉吟一絕以識之賓贊次之題之軸末

緯兒往在東牀受學於其岳丈寄詩以勉之

病中聞鸞語思歸口占

冷泉蒼壁詞

金永柔

斗壁

溪亭憶主人有感

寄贈南塘

晚湖兄初期回薄走成九絕書寄緯兒使展靈

座而哭之

尹友景日將西歸寄詩以勉之

知非

宿錦碧亭

鳳溪曹上舍雲舉

世鵬

兄弟冠其子與孫翌日

泉浦朴生子清

河運

亦冠其姪戒余教之三

加之後各行一獻禮禮之甚盛舉也

來宿永同季章與心泳心協送別於此曹生霽

用舍弟時字韻以別因步其韻

舍弟送酒與李斯立

倚天

金君弼

相夷

金靜而

會話靜而先唱共次梅聖俞韻

姜聖瑞直 英陵寢齋守歲有詩寄來敬次

使兒輩呼韻共賦

前月十八日月夜舍弟奉慈氏登華岳樓

癸丑除夕來侍老人於黃溪衙中賦懷示章弟

觀雞龍山宿東學寺

挽金參判而見

龍慶

金君弼近頗肆力每篇佳絕更將別韻志喜

與章弟携兒子輩遊石潭拈劍南韻

金諫議士重一疏得罪初配蝟島旋移武城茲

將五律遙寄

答晦之謝詩

少友輩講學餘與緯協兩兒習飲禮

詠老

Blank space for the poem's content.

屏溪先生集卷之一

詩

在花山家親任所與圃巖堂兄登城覽春

收拾東風浩浩情登臨判得縣西城巒山瘴海風烟
重白日青春桃柳明眠鳥挾兒自閒意初翬出谷始
新聲天機袞袞成如許可耐省春不用觥

與圃巖堂兄歸竹院至溪川巖上仍彈琴一曲
得西字共賦

村路依原細山烟出谷迷行尋潭石坐靜聽水禽啼
搖落山容晚蒼茫物色悽携琴彈一曲不省夕陽西



贈別花山貢生韓國望

風烟却望一千重南國山河隔夢中記得舊遊明月
夜畫樓西畔小橋東

陪外舅朴公

星錫

溯上臯蘭寺還宿自溫臺

山淨沙明秋水空笛聲斜日倚西風漁歌一曲漁船
發暮宿蘆花烟雨中

大哉閣與岳丈仰瞻尤翁所書 孝廟賜李白

江相公 批旨語石刻岳丈慷慨涕泣顧謂余

曰吾輩覽此 御批石刻義當有拜遂共四拜

孝廟在宥專意於復雪大義凜凜有北伐之舉
白江以首相上章為言欲速未達之意請盡內

修之策以為徐圖之云則孝廟答批有至痛
在心日暮途遠之教尤翁泣弓之後北謫南竄
時事大變大義寢晦無人可語此事益切叫震
之痛天筆書此八字寄相國之子太學士西河
公西河之從子疎齋公刻於大江舊居浮山江
上立石構小閣以覆之即此大哉閣也楣端有
遂菴先生小記
事實俱載焉

大明天地此浮峯回首中原淚滿曾日暮人間歸道

遠獨教流水解朝宗

翰林巖次杜律韻

巖以翰林號翰林此昔過客來流水在人去白雲多
紅落鵲悲樹青淡颺上蘿彈碁復吹笛幽興問如何

與圃巖堂兄舍弟及姨兄尹聖惠

百和

李友瑞

九夏龜舟遊杏湖

送送春花盡看看芳草淡江湖四月尾罇酒故人心
天地泛舟楫山河含古今詩成意不盡倚棹數烟岑
有事猝作德山行路中口占寄舍弟

南征實意外離別正無端遊子出門去天風吹我寒
庭闈回首隔心緒渡江難行役幾時歇此身未暫安

與朴汝貫曾錫諸丈會話細銀菴

西湖鶴氅衣落日遮陽子細銀菴上來云是尹居士
題重峯趙先生萬言疏後

斯文千載大男子汝式先生真我師邪正是非明日

月微公後學豈能知

別圃巖堂兄赴濟原任所

督郵行裝薄朱文藏在橐朱文儘可讀一統尼父學
讀多其味厚此行未全薄

挽朴延豐鏞○代家親作

使有阿時習君何一縣終正緣心拙直非係命窮通
寥落蒼山屋蕭然白首翁紛紛夸毗子難以比吾公

在竹院與圃巖堂兄舍弟及瑞九釣魚尊池

持釣問尊池尊池何處向行逢採蘋翁笑指蘆花上
翳翳日將陰輕輕風正浪釣魚欲送人罷釣心悵悵

送李瑞九之嘉林轉向圃巖堂兄濟原郵軒
送君先向桂花天聞說秋光滿九千我亦有期應待
我玉窓瓊樹坐飛仙

權敬仲

定性

與黃子直

梓

同舟還清風余約與

同行適以病不能後五日由陸路作行到松波

渡憶二友口占

昨夜西風昨夜雨上游歸棹宿何洲烟波極目無人
見峽路迢迢疋馬愁

止宿慶安李文

壽聘

家道上口占

扁舟出江漢秋色已他鄉高鳥寒聲度低雲暮眺荒

詩成鞍馬倦木落道途長易識山村路雙槐舊築場

八華陽洞坐老先生書室有感

先生血泣當年志寒老終成 二帝祠舊躅惟存闕

里宅一邊淡取錦城規九原庶可英靈慰此事能為

孝廟知草木元來同一氣短梅生死亦關時

庭前有樹紅

梅實老先生手植也己巳禍變後梅樹枯死至甲申
享祠自然生意發動年年花開爍爛云誠異事也

崇禎皇帝御筆所刻石龕

孝宗遽陟方經營事墮空若有臣一介血泣悲莫窮
當時契會隆區畫固密勿寧為大朝斃不忍離虜屈
痛哭事大去胷中徒淳淳閱公昔使燕奉歸 毅皇

筆持之泣慷慨永思以壽傳巖窈鬼設龕焜煌丹其
鐫含冤忍痛志出於不得已腥塵滿四海一洞明天
地 皇靈托何處庶幾歸來兮僧言夜靜時其上子
規啼

歸路復至萬東祠有感

太極曾聞靜必動豈能長靜動無時休言六畫坤陰
盛三十陽來復有期

時當坤月
曰時志感

俗離寺

牢落僧殘古寺悲冷烟荒草畫欄危遺墟雀噪行宮
樹盛事人傳 世廟時六丈金肥彌勒佛百年苔食

國師碑晶峯未上猶回首福寺雲淡何處之

寺門外
有覺性

大師
碑

福泉寺東臺

雄巒鎮湖嶺秀氣拔東南菩薩三千界烟霞十二菴
殘風明積雪踈磬破凝嵐微雨妨遊賞歸來佛座參

與督郵兄家弟同李季通

漢

李汝五

秉常

金仲

禮 在魯 遊曹溪

此地吾曾過山溪路易迷花間逢衲子雲外問曹溪
鳥度春聲暮風和草色萋飛仙先我去應待步虛西

堂兄時帶濟原督郵濟原踰飛
命○步虛閣名在曹溪瀑對巖

月嶽德周寺別成師傳達卿晚敬文相贈一律

身世嶺湖際衣冠水石前相逢白雲裏笑語清溪邊
貌古無塵事心閒似靜淵程張興國寺勝會自依然

將還敬呈先生座下

千載心傳寒水月淵源巴曲有真人西江扣柂辭歸
去弄月吟風媿伯淳

踏青日與堂伯兄舍弟同權調元煖閱思仲齊

賢姜士咸啓溥權仲蘊瑩李瑞九李聖質廷樸

俞童子肅基及心衡心宰入黃鶴洞轉上白嶽

中麓看花柳由雙溪洞憇清楓溪帶曛而還

昨過何山雨今來小閣清踏青元好事浮白可新晴

愛坐衰筇倦耽登少屨輕方春花滿眼高樹最分明

與圃巖堂兄姜士咸溯入黃江拜寒水先生四

月十九日發船龍湖堂伯兄舍弟與權持平明

仲煇沈上舍而天聖希同舟來別共賦輕字

前季五月龍湖發今日孤舟又峽行倒醉渾忘畱別

語遠來猶有惜離情樓頭欲雨捲簾晚帆腹多風上

瀨輕可但丹丘潭石勝知應霽月水齋明

日暮行舟止宿李友道伯思一江亭

隱隱來江樹船頭蒼檜亭暮江方暗淡鳴櫓獨丁寧

童記重尋面帆停舊識汀主人迎我酒微雨倒溪扁

過 寧陵

天心若有祚 王豈中途崩未識籌謀一徒令侮致
增淡羞猶昨日痛哭過 遺陵嗚咽葩溪浪應朝驚
水澄

清心樓得高字

郡國前朝地烏巾岸夕臯千年壯結構四月足波濤
山勢登樓遠灘聲入夜高踈鍾白塔近欄角動風騷
神勒寺東臺得臺字

巖頭白塔前朝在寺下清流何郡來無學形畱七分

障牧翁碑蝕百年苔高江日落蒼龍吼故地人亾白
烏哀古木青楓雲衲出暮鍾迎我坐東臺

挽成徵君達卿 晚徵

攬涕師門札悲公正月亾聞商嶺曲驚暖少微光
禮士恩何倦需時我獨傷迢迢馬鬣起漠漠烏道長

又

最愛瑞菴釋朝朝問主翁晚逃誰有力老去益新工
冲養淡潭靜清癯老鶴同三徵偃卧固冥隱素心終

又

居然傾蓋樂故事寺門前竹杖非君俗烏巾道我仙

傳孟出松壑談理聽琴泉此世皆陳迹留哀寄數篇

守一菴次遂菴先生韻

庵在上山岩小東歲乙丑先生自下山岩尋源

至此得盡日岩實好泉石仍名上山

一層登夏好高躡敢言危只到中巖去難知上處奇

莊淡己自美發秘豈無時地實因人勝鈇潭賀有期

三仙巖得仙字

始入下仙巖谷淡山寂然水石白而清窈窕正可憐

不見中仙巖於此亦號仙

復入中仙巖烟霞生自然潭淡白石多松老青鶴眠

浩歌叢桂幽把酒欲問仙

去八上仙巖心目清冷然但有白雲來迎我於溪邊

羽衣坐霞臺飄飄我却仙

鳳棲亭得舟字

青山欲別意悠悠為望仙巖夏上樓漸覺風塵歸路

近夕陽西下倦登舟

寒碧樓得寒字

三仙巖上三仙子鶴筆華陽臨玉欄青草湖來丹郡

下赤城霞接白雲間輕風擊汰蕩空碧疎雨捲簾生

薄寒可但使君專勝槩我能看水又看山

清心樓月夜聞笛

烟生神勒寺月出清心樓長笛載船去蘋風吹不休

挽翠巖姜參奉 錫朋

貌古寧心俗身窮彌道高庸行如喫飯篤學比撐篙
腹有書千卷曾無慾一毫終看處死正敬字儘其操

追挽韓永叔 弘祚

運迫斯文否天椽多善士慤實如申友 申斯文慤 恬靜若

成氏 成師傳 次第皆淪亾我涕已千行餘殃噫亦甚

奪君何太忙自古彼皇天不惜人之賢不惟不肯惜
大半闕其年窮鄉既出君始若天意存奇才未卒究
天意竟難原嗟嗟重為悲世季似君稀巍乎孔朱學

嗚然心自希天地日月大草木昆蟲細若暨倫彝切
莫不入深諦未知恐不知既知行其知勇往而直前
不憚與世違羣咻以茲惑此志難降伏相知我不淺
傾仰撥眾謫師門一言評許君以精明如君若而人
倚仗殊不輕曩余叨侍右聞訃懷自疚先生曰嗟呼
悼惜非為舊香泉入夢寐辨論如在耳重會一杳茫
烟霞但古寺漠漠溪上亭迢迢湖外程蕭條有窮浦
悵望無限城聞君已掩土粹儀難再覩臨穴負一慟
追詠述哀腑

昨夏大雨道峯山崩枕流堂前亂石堆填尤翁

筆刻大石無去處嗟嘆之餘聊吟一絕

尤翁筆與文峯健曾擬山靈永護呵顛拔今來無所
賴未知天意竟如何

外舅黃山故宅述懷書贈新源

滿目皆陳迹歡遊已古今人非小屋在淚落大江深
可惜春秋義空埋宇宙心依依念古事漠漠動悲吟

挽李文

壽聘

鬼奪胡容易新阡漢水東風流埋地下矜式失鄉中
院夜詩書伴城春眺望同依依念故事回首水雲空

送尹正季亨

陽來

赴燕

關路迢迢萬里長薊門烟樹曉蒼蒼星軺此去朝何
處七十年前 帝陟方

登金水亭

蓬萊仙子乘雲去江上獨留金水亭山色舉盃來彷彿
灘聲倚檻聽丁寧依微遠樹洞陰懸咫尺翠崖蒼
玉屏水淺行人騎馬渡虛舟自在繫沙汀

趙子以

尚健

謫行索贖未及副追呈一律

瘴海即今嚴譴人薇垣當日直言臣蠻雲嶺樹蒼茫
思竹屋松簷寂寞身夢繞萱闈溫清夕神馳藥院起
居晨朱文可讀君須讀然後益知吾道真

舟向黃江過廣津口占

樹色蒼然至人烟即廣陵雲亭陰漠漠山畝麥層層
是處人情慣前年水檻登何時成小屋琴鶴老相仍

挽李林川 湛

尤老為師文谷舅當時禍變劇心驚風濤鯨海孤舟
入雪涕鰲山匹馬迎世上幾人能不愧眼中惟義見
曾明悠悠得喪寧公憾報施終乖我愴情

與俞子成 默基 孟仲明迎拜函丈於槐山行中

竹山途中口占 時函丈將赴
溫泉以病留槐山

此路吾曾慣南來復竹原前期是函丈同伴二斯文

鵬花方岸岸翼柳又村村不省征鞍苦羸驂落照紛

挽李仲謙 顯益

庚寅歲之夏我拜權先生先生曰仲謙著書辨陽明
時余未見子已知學術精頃來冠吾姪始覲襟韻清
肩背坐竦直令人惕裸裎終南水橋上白日麗春城
閒來去同榻義理說縱橫仁義孰非理因氣以標名
人秀乃可言物粗着不成終日累百語微處毫釐爭
多幸所見同對劇顏不駢君時出分憂南人日呼庚
荒政用南康庶幾求之誠俗吏之為政學教看作輕
儒化始一邑示可裨世程何待一言勗君意已經營

離別幾相思殊方日月更衣冠忽長夜歸路飄丹旌
可惜天奪速斯文失幪幘淵源杳三洲士友哭吞聲
月浪寒慘淡馬耳愁崢嶸將看俎豆地紛紛泣遺氓
悲傷素車別不盡故人情

詠玉溪呈堂兄二座兼示章弟衡姪

良田輒與巖泉遠山菜終難海錯并是處兼之真勝
絕吾人所以熟經營閒來持釣仍潭潔興去窮源又
灑清洞裏仙村容一落弟兄相與了殘生

挽趙應教子以

日以非吾道伊人詎不亾蒼梧有餘淚丹旄送君窆

時事應難暝家私可暇傷題詩垂歲暮欲語北風長

投宿道峯桃源村

滿山微雨滿山雪蓑笠獨來當畫圖萬丈重尋無恙
汝村翁迺拜慣看吾叢林暮鳥猶投止牛馬伊人任
走呼溪上可無棲息地欲歸不得怪夫夫

道中憶兒子

此去惟期半月還穉兒不識謾愁顏亦知兒輩尋常
事猶復依依夢寐間

自黃江歸宿樓巖鄭聖聞舜河家

白塔樓巖是樓巖路不迷山花紅近遠岸柳綠高低

夜止江村宿曉聽水鳥啼三盃主人語好去廣陵西

黃江遇蔡師傅君範之洪蔡進士之叔同船至

可興送還清州

巖花寂寂向滄洲芳草萋萋對別愁羸馬欲行孤棹
發青山隱隱大江流

二日同舟極是奇臨歧欲別兩依依君行有伴吾無
伴今夜離愁我獨知

楮子島登尹將軍亭子

一區靜潔幽閒地宜着槁枯淡泊身可惜江山猶世
態終然歸却有錢人

湯艾坐屏溪

峽日蕭蕭暮汀烟細細生鄉愁詩欲就行李歲垂更
雪壑清冷意雲崖隱暎情時危百慮集把酒聽溪聲

自玉溪歸聞李仲久稱與吾兩從氏及章弟平

姪往復酬唱成一大軸拈次一律寄呈仲久以

附編末真所謂韓文公脚版難為文也

不肯出門江北尋詩書危坐兀然淡自非拙澁拘儒
態誰識貞高志士心意氣清霄干斗劒工夫靜夜禁
邪琴窮經只屬吾人分須惜晴窓禹寸陰

與參議兄章弟衡宰兩姪上靈臺菴呼韻

屏溪集 卷之一
猶恐入山山不淡尋花問藥度重林把盃已失青春
色傷世那禁白雪吟晚托歸雲聊會意靜看流水自
怡心孤僧小寺同繩榻溪鳥啼時坐夕陰

次圃巖堂兄屏溪雜詠

七首

早遊寒水先生門晚住玉屏溪上村淡泊真成山裏
漢風塵不送夢中魂收將宇宙許多志欲了圖書不
盡言寄語山妻貧莫說歸來我有濁醪罇
麻鞋鶴氅華陽巾坐着溪邊一箇身座右巖巖元晦
壁襟前潑潑子淵春谷村陂落仁成里文友觀朋德
有鄰樹樹池欄紛送迓小車花外亦天津

故近西陂奠草廬爲僂東畝課耕鋤園宜芋栗兼宜
藥池可笑蕖又可魚靜裏工夫溫舊學閒來事業著
新書歸田自是遂初計却笑鮑生苦棄蔬

平生學道願朝聞四十居然媿白紛歸去山林同定
釋經綸世事付諸君初尋梁瀑驚飛雪更得屏泉號
濕雲我有九區當九曲奈無記蹟晦翁文

休言世事與心違每說歸山竟得歸書冊猶煩時或
廢烟霞雖富孰能非仙緣此地惟吾在清福人間似
我稀山水中間花樹會蘿衣兼着老萊衣

仙洞淡淡日月遲長年剩得此身頤清罇携處興俱

屏溪集 卷之一
到靈月來時心與宜不害寬閒寂寞地任他木食草
衣姿已輸世事相忘域事事堪悲不用悲
吾身着處是吾家意足寧嫌海甸賒夙願殘年惟飽
喫新耕數畝作生涯秋淡樹樹盈盈顙春晚村村豔
豔花上蔡年來矜字絕山居猶欲向人誇

雨後田家吟

老農曉起呼兒語炊麥飼牛且漉醺山雨夜添渠水
滿野田今可晚秧移

和申明允

曝述懷 三首

迢迢廣陵路漫漫嶺頭雲遠望山河隔思君不見君

我心如飢渴曷慰此心勤世道今荆棘斯文如溺焚
儻能各自靖閉戶勘古文此事正可喜何必怨離羣

右憶明允

與爾三十年不曾遠離住今成參商別豈不相思苦
最是我慈氏念爾焦肝腑要慰慈氏心每言思無益
思之不相見只增渠懷惡我心非爾忘還如不相憶

右憶弟妹

十里明泉石九區幽且曠雲霞出其間暮朝各異狀
弟兄杖屨至日夕饒佳况吾允獨不在東望但悵悵
憶君畱余約匹馬淡秋訪願君仍結茅共我溪山賞

右約山居

次弟妹詩

我有篋裏衣數件是汝手中針線衣思汝不見撫篋
 衣着來如見縫衣時山月東來應見汝見月沈吟獨
 徘徊別時知汝腹有兒涼秋儻抱男子來代慈親次
思親韻
 離別已杳杳道途何茫茫我無鴻鵠翅無以隨風翔
 君方病在身那到烏山陽會合誠難期悵悵怨分張
 夢中要見君耿耿夢不成三更山吐月杖策獨彷徨

右次憶兄韻

姜士咸謫居善山以一律寄呈

允翁每誦暮年華此義君今謂若何北望浮雲迷日
 下南來炎瘴極天涯時危白髮孤臣淚歲晚青山志
 士歌一去茂陵歸路阻吾兄消息亦堪嗟

賦秋懷寄金子三

壽錫

淳夫

壽鏃

兄弟

日落殊方羈思苦又聞天際早鴻嘶烏山白露秋新
 霽漢水青雲夢已迷稻黍盈畦臨箭野琴書在橐入
 屏溪寒潭止水清如鏡不欲年來混得泥

與舍弟會兩堂兄及金子三于杜谷鄭友精舍
 共次放翁秋懷韻

老來何處着情濃賴有山林我輩容鄉夢蕭條迷舊

國高懷牢落對寒峯喜淡今日尋初服笑却當年趁
曉鍾酒熟田翁能愛客遠携秋色數相從

聞致雲誣致師門為上辨章與韓德昭 元震 道

中口占

吾道胡中野天時正北風綿綿一陽細漠漠九天崇
可奈斯文弊端宜古學窮惟嫌范祖禹取貶考亭翁

次心宰韻

數子尋花至相逢如有期風和度萋萋雲濕起迤迤
啼鳥含盃晚鳴鍾到寺遲踟躕白雲際誰向畫中移
拈韻共賦

試問潭泉何狀顏看來人輒不知還衣冠石白水清
際坐卧花紅松翠間不待春醪已興爛稍聽林鳥自
心閒峯巔海色尤奇壯明日筇鞋更上山

茂陵臺洞口與甌山兄同行呼韻

不盡青山不盡花爛如初日赤城霞巖前憇馬巖頭
坐溪外垂楊溪上家

無限城野中

東風吹夕日驅馬平郊中百里莽蕪綠千山浮醉紅

次舍弟感懷韻

尤翁撥享遂菴追棄又聞芝
村丈沒於謫隘有感而吟

不到關河必海濱非因程氏謾紛紛享儀難藉先

屏溪集 卷之一
朝舉詰牒誰憐舊澤芬江老如無同破敗巴翁初豈
托斯文瓊州不遣元城返痛哭西風向塞雲

寄李瑞九仍思都事從兄謫居

北松落落淹漳友南峽冥冥禦魅人旅鴈相思知幾
日蹇驢有約負三春繁華燈郭依依夜罇酒詩筵衰
衰辰誰意至今隨落葉山河只憶夢中身

韓季明

格震

出韻其次明友從其兄德昭出入

江門仍示感懷

春波杳杳廣陵頭夢裏猶登溯峽舟徘徊媿墜茫茫
緒牢落誰知袞袞愁秋陽不禁思江漢吾道元來在

葛裘明月山樓君共話中宵心繞浦灘洲

各拈別韻與季明要和

度壑依遲馬迎溪寂寞僧山光入戶靜酒力壓愁騰
始擬雲巔宿終孤月下登回思憂患世此事更誰能
八月奉板輿向道州與季章及妹弟同奉至牙
山地分路余陪宿稷山村舍兩弟向京路追得
一絕寄示

歧路西風日欲斜弟兄分手意如何知君更有離親
恨別後離愁爾却多

登嶺南樓

竹裏孤城城上樓長林漠漠小江流秋生萬里軒窓
迴日落殊方鴻鴈愁聖代江湖真可樂幾年簿牒尚
多憂故人不見增怊悵山月如期到檻頭

挽李進士

命集

雲霄夙志雪冰姿早歲聲名若可為諸友憐亾豈私
好九原難瞑亦應悲一言誰慰西河淚天理無徵伯
道兒白牌來榮簫鼓地丹旌送葬萬行垂

設養老宴老人李生景濂以詩謝之走筆答之
明時要作太平容罇酒華筵上下同醉舞翩翩聯白
髮歡聲可答 聖治融

白石谷冒雪還溪上道間口占

蓑衣微雪小橋西好伴林禽暮返樓薄醉不堪寒十
里石門遙望幾千溪

病伏窮山聞李汝剛

綵

舊和從先叔判書公柩

遷自隋城移窆龍仁先壟愴念今古遂得絕句
六章哭送于執事人敬薦之靈座

父死於忠子死孝一家忠孝日星懸懷沙誰道三閭
過枯死窮山絕可憐

不堪冤酷徹心腸已謂吾身一死輕雖死當時能不
死忍能今日苟全生

此丁未秋也時辛壬黨人復
進用更罪乙巳雪冤人故云

上帝昭昭庶我知一毫吾道豈云非終然天定能人勝此理從來不可違

淳德先爺謹厚君終無主鬯一兒孫儻非天道無知處萬事悲涼不欲言

西門花柳北城秋少小同研幾共遊戚誼朋情空涕淚寒山牢落獨淹留

兩代新阡故壟隈重藏病負一臨哀憂時悼舊增頭白歲暮徘徊意不裁

挽趙相國泰采遷葬

自荷 明陵知遇日死生圖報己心鑄不然社稷疑

危際寧得從容湯鑊前

無奈時危七尺軀獨畱心事見千秋集英門外商量

語高識宜從古哲求商量云云乃建儲時與金李

榮時有死是誰言此事文翁可並論遺恨滄溟應不

極碧波亭下再招魂死有榮時尤翁所撰文各銘語也兩相皆承後命於珍島故

到達城與半刺沈友重賢安陰舊使君俞友學

墓往賞南谷小瀑主人呼韻共賦

是處雖非勝茲遊不偶哉無渠小瀑在肯我角巾來薄醉臨溪晚殘花當席開猶難終夕餉五馬却先迴

金最兼吳大讓徒步來見其歸請詩走筆以贈
迢迢道州路疊嶂連千里八嶺杳西望屏溪若爲至
我車已載脂道途不可止日行僅莽蒼積累能到此
始知不息工爲山自一蕢男兒許大業莫不在吾志
苟能立吾志曷不做吾事其始茫難跋至誠終能致
嗟爾遠訪我穿到幾山水僕痛馬玄黃艱苦心勞悴
誠有訪我志行遠不自己聊將遠行吟慙慙爲贈爾
爾我纔遠行此理曉易易嗚呼爾二生母作歇後視

李子益仙巖酒席拈東律韻

殘楓衰柳作新秋牢落高懷得小樓千里夕陽籠樹

遠一溪寒水照襟流我惟愛醉仙巖酒客有誇登永
保舟休說巖泉今變主元來世事等雲浮

克明上人自瑞石訪我屏溪之上展示舊輶蓋
自 崇禎癸酉先輩諸公所嘗贈詩於上人之
法師道休者也元韻出於東岳老而澤堂汾西
東淮白洲玄洲谿谷畸翁遲川雪汀之所承揮
者而至於文谷公以下夢窩踈齋兩相國玉吾
宋太學士及李方伯李通申侍講聖與李詞伯
一源金壯元尊甫諸作則皆明師所要而聯軸
者也上下九十五年之間作者巨手皆聚於短

幅之中真希世之珍玩奉讀數迴不覺爽籟之
生牙頰也上人亦貌清而心高可與語留之一
宿撥拙步韻以贈歸之敢托名於諸先輩脚下
云爾

禪學不爲非不能一燈休說盡千燈因君有體欲言
用却恐聞之疑夏冰

石門潭下玉溪東柳塢松簷淡淡風點檢千窓題舊
軸送君西八月山中

挽趙利川君望

斗梯○五首

向我歸故山征蓋值令季君時病在牀書來慮生死

相對念區區省君末由已蒼茫店舍月夢想莽千里
聞君三月亾不禁我涕泗持挽不忍題眷昔屢歎喟
短茅郭西宅兀兀與同研同研十餘人強半登青雲
君終屈下邑棲棲歎白紛窮達自有命不足爲怛然
妍妍清杆月吏隱知幾年悲歡盡寥落萬事水雲邊
迢迢漁隱谷浩浩漢上流是處幾人會三春共書樓
或登臯眺望或棹舟夷猶歸來哭汝文與君同悲憂
今日獨哭君益覺悲思稠側立向雲松舊遊空悠悠
恨血碧波下腐心幾箇人淡隴如昨日餘禍又天倫
不有當時崇何至今日淪寔由一般運只自呼蒼旻

勞焦爲忠孝一死吁可憐此意其誰知嗟嗟難重陳
四月清化縣綠樹祝嶺山西風吹素幔送靈車其間
頎頎美風姿一去不復還哀哀一衰兒行路不忍看
我心悵西悲痛哭屏溪灣病孤蒿里餞哀歌復長嘆

挽李公舉

東

造膝陪興運頒綸聳士林皇王許大業姚姒共傳心
最是平生學會期聖世箴白駒歌未了慟徹九重深
寂寞冠峯夜商量性理時參差當日恨往復至今疑
心折嗟關世衣霑豈悼私鄰朋又先喪東望雪鵝悲
寒峯精舍阻雨宿留憶癸卯舊遊感吟示主人

鄭士淑

燈

樽酒干戈後衣冠古木深時憂當小雨百感聽殘禽
錯漠存亡恨蒼茫海島心題詩聯舊軸中夜獨沈吟

次金元輔

聖柱

敬忽元來表裏仍存心先自外持矜知行一致寧偏
廢下上工程莫躡陵然後皇王能做去從前賢聖用
堪勝如非主靜何由定欲靜毋教慙海騰

寄呈參判兄瀛海之謫

三首

關山曾恨別經年又遣鯨波萬疊前憂大始緣蘇識
字席前寧不賈還宣浮雲漢水迷千里白日擎山覆

一天吾道從來能自得此身無處不安便

新築槐壇幽事加隨宜種樹與蒔花自知閒漢經綸
足底事悲歌愁恨多世道艱難華髮短碧亭離別夕
陽斜私情國計俱難料強欲排懷無奈何

羣從歸來蟄玉屏當時世禍謂堪驚 國而今日憂
兵革家則吾兄謫海瀛追想向來猶可樂始知此事
更難成恭惟 邦運無終否共擬溪山餉太平

新築槐壇安進士晦之

世光

美卿

世美

兄弟以

詩賀之謹次其韻

丈室難經夏槐壇草草成陰淡朱日遠眺閣晚風清

座八峯千色庭移菊數莖新詩鄰友賀携酒日來傾
仙壇槐下小溪傍晝永風微午睡長靜忌吟詩猶作
意暑忘搖扇自生涼晚營畝坎生踈業悔費光陰翰
墨場我思悠悠誰與語弟兄悄望獨彷徨

效堯夫非是愛吟詩體九章和姜聖瑞

鳳來

我已携妻子此中移
溪翁非是愛吟詩詩是溪翁卜築時九曲溪山天與

醉又向龍潭筇竹移
溪翁非是愛吟詩詩是溪潭來竭時玉溪釣罷石門

溪翁非是愛吟詩詩是山雲自在時無心而出無心

卷坐看峯巔殊不移

溪翁非是愛吟詩詩是田家行樂時柿栗滿園秧日
茁又將花竹雨中移

溪翁非是愛吟詩詩是羣居講討時共守此心要大
道庶幾貧富不淫移

溪翁非是愛吟詩詩是槐壇校字時終日亂籤塵掃

役夕陽鉛槧逐陰移

詩校先所
文集故云

溪翁非是愛吟詩詩是悲歌歎世時海水桑田終改
否未聞三曲壑舟移

溪翁非是愛吟詩詩是風塵憂患時百慮千愁仍北

望沈吟不覺日西移

溪翁非是愛吟詩詩是考槃在澗時青山有約歸冥
隱寤寐謔言矢弗移

次李治伯

國馨韻

此志競如盤水持惺惺問我主翁時是處一毫容不
得何能着却五言詩

祝融峯上三盃持洛水歸來吟弄時浩氣天心同活
潑何妨隨興志而詩

大抵此心能自持不妨或有謾吟時第惟伊誠終嚴
截勿學騷人癖在詩

次金士凝命鉉韻

不要俗客至石逕已封苔訝竟採芝去雲邊和雨栽
詩書仍斐几杖屨或槐臺有意東鄰友新詩數寄來

伽倻九曲次武夷九曲韻並序

姜寢郎聖瑞用武夷九曲韻賦伽倻九曲寄
示索和余已有此意者蓋久而未成聖瑞真
可謂善挑發人意者也但九曲之稱號第次
略有錯焉余以前所定之號而從其曲次以
賦焉蓋伽倻之山自南而北轉東開一洞府
而一水逶迤中間自西而向東一曲觀魚臺

在谷口清風山之西二曲玉屏溪在壽星峯
之北三曲濕雲泉在玉屏向上少北小澗之
自東北入於屏溪者也四曲石門潭在濕雲
之小西眾仙洞北五曲映花潭去石門一轉
在青龍坊六曲卓錫川在白塔南七曲卧龍
潭在迦葉峯之東趾能仁菴下八曲孤雲壁
在靈臺少下溪南九曲玉梁瀑在龍潭北紫
玉峯下山之僧稱古梁洞者也示別派也玉
溪之翠屏天奇磯臺鬼削石門之白石澄潭
龍潭之雲壁飛泉遊人過客共嘗稱玩而觀

魚卓錫本在路傍人不爲奇然觀魚則沙平
川廣白石齒齒初八仙洞足可以新人眼目
而西望羣峯鬱然蒼翠可見一山全面矣卓
錫則雖爲楮夫所穢藝而觀其水石天成則
石白而盤水匯而淵可以備一曲矣至於濕
雲之小瀑清冷映花之曲渟層巖孤雲之楓
壁激湍亦皆幽閒窈窕對之輒怡然自喜况
玉梁則峯勢特拔瀑流奇壯下流八曲幾不
可與比倫在其源頭最深處雖山下居人年
六七十而迹有未嘗到此者况遊人過客何

從聞而一至此耶地闕天慳幾千百年而今
我得之於草樹掩翳之中闡而名之備數於
九曲之終此豈非有待而然者耶自魚臺而
泝玉瀑蓋十里強矣余卜築于玉溪之下竇
爲一洞之主而其間片石曲水朝霞暮雲莫
不管領於余晦翁之武夷詩曰居然我泉石
其亦余之謂也是知在泉石則先賢亦不以
物我爲嫌矣玉溪與石龍兩潭竹泉金尚書
之命名而手書八分字刻之石面餘六曲則
我弟兄卜居後名之者今因聖瑞之賦九曲

而略書九曲之次第名稱仍及其或淵或瀑
或崖或臺而幽淡閒雅奇壯淺奧莫不題品
使諸君子之賡聖瑞者以知九曲之名實大

略云

伽倻秀氣炳三靈一道巖泉九曲清鬼護神呵千載
秘淙然和我膝琴聲
右伽倻山

一曲武夷上釣船休言此曲只沙川魚臺已見西峯
色秀氣蒼然鎖暮烟
右觀魚臺

二曲屏溪環翠峯蒼崖渾是雲霞容垂竿把酒磯頭
望玉瀑龍潭隔幾重
右玉屏溪

三曲雲泉弄玉船弟兄遊賞憶當年冷然小瀑尤奇
勝澗綠巖紅正可憐
右濕雲泉

四曲石門雙立巖溪邊垂柳碧粼粼風波少處開明
鑑光影徘徊共一潭
右石門潭

五曲花潭山更淡蒼蒼只是見雲林看山看水無言
坐誰識閒中長道心
右暎花潭

六曲青槐曲水灣亭亭白塔掩禪關老僧住錫巖頭
立客至不言心自閒
右卓錫川

七曲循溪泝幾灘蛟龍窟宅駭心看淵潛何日施能
普蘿壁沈吟五月寒
右卧龍潭

八曲秋清山雨開溪流汨瀟乍沿洄孤雲霽樹依微
起復見迤迤翠壁來 右孤雲壁

九曲雙峯勢屹然巖間百尺瀉長川遊人不肯窮源
至豈識仙區別洞天 右玉梁灤

次仙巖主人李子益寄韻

寂寞柴扉晝不開任教賓位上青苔晴鳩拂露俄新
喚溪雨和烟暮又來幽事不嫌鋤藥圃生涯有味護
花魁罇空可耐悲秋意詠爾新詩當一盃

次盤谷金監司克念 祖澤 寄韻

停盃兀兀感平生雨則止之霽則行慷慨都緣宗國

慮憂愁非是俗人情即今蓬蘖棲身久向者旌旄滿
路迎可但君平為世棄君平先已棄簪纓

明府洪文饒 裕 謂玉溪在洞口故淺而卧龍

之幽淡為可愛聊得別韻以賦

揆勝如窮理顯幽俱會心不由玉溪泝寧到卧龍淡
漠漠夕陽外妍妍花樹陰三盃和氣發歸路動高吟
萬樹鶉花照耀一壑與舍弟約同諸老少往賞
玉溪坐石門共次放翁韻

亭在白雲山半腰清流泝八武陵橋花紅暈席渾如
醉嶂翠來罇不待招草色烟和迷岸綠柳絲風裊欲

春驕溪翁放散尋常事近侍如何遠 聖朝

同明府尋講堂水石到仙巖次季章韻贈主人

李子益

巖花零落寄春餘槐柳交陰護谷居鶴髦麻鞋前歲
至綠盃芽笋是行初雲生鳥語渾成句石白溪清盡
可書山裏老翁閑事業園蔬圃藥自能鋤

坐講堂泉石與舍弟及明府洪文饒姜聖瑞李

子益呼韻共賦

溪禽相喚上禪門古榻埋塵坐世尊大宋碑殘留日
月西湖春盡到泉源霞光浩蕩浮千嶂花意爛珊集

一罇內院猶存秋後約分明一路記仙村

遊小仙洞得一區巖瀑蕪沒林藪中剗其棘疏
其壞石之盤者可容數十人瀑之懸者亦可五
六尺足堪畱翫緯協兩兒隨之喜其得而請渠
分管兩父因戲而別上下曲分與之將一絕句
書兩紙而各贈之以代契券云

分與巖泉爾弟兄山家契券亦堪清從知識字猶憂

患勝勝前賢教一經

奉次申延安丈 聖夏韻 二首

崖柳溪邊石蕭然杖屨人泠泠心在水潑潑物同春

寂歷巖花夕蒼茫澗樹晨清幽媿獨餉悵悵首回頻
仙巖在鳳谷聊可隱高人門掩小溪月山深叢桂春
堪成田氏痼不必石門晨舊約移漳浦徒然入夢頻
朝家用內舅原從勞追 恩外王考迎 誥日

家弟鳳五以詩志慶謹以其韻拜上內舅

子而追典父於宣擎牒香凝感淚痕不有府君能積
德曷承 明主用推 恩慶方普切東民士幸豈徒
爲我子孫奇事舊閭今迺 誥罇筵答賀耀荆門

與季章共姜聖瑞韓季明安晦之姨弟尹汝朝

百宗遊小仙洞

從我仙區爾亦仙携來爲訪此巖泉百年身世山林
下落日雲霞杖屨前遙見禪樓臨古樹半成茅屋寄
蒼烟孤筇歸路屏溪坐看水看山足此緣

五月十六夜與家弟乘月訪安晦之次放翁韻

兀兀新愁向五更滔滔一念系周京悲歌不盡 明
陵淚白髮徒深漆室情措國泰山誰使重生心禹鼎
敢爲輕淑人正理機難失祚宋天應眷 主明

六月十五日聞衆仙洞有水石勝處與家弟及
安晦之乘夕往訪之拈次放翁韻

蘿巖在最高處辛苦緣崖披林試來若到昭曠東望

雲山開襟

鬼不終今秘苔開太始緘淡來宜是奧闊處最殊凡
澗挹清留暈霞晴翠逗衫逢人問俗號仍號以蘿巖
次姜聖瑞賞花韻
荷葉參差綠滿池當軒對酌最相宜西風欲起花猶
澁多意清香待我遲

姜聖瑞宅賞蓮

嬋妍何事在泥池自謂天香無不宜我有方塘清半
畝為渠猶媿就來遲

七月望日安晦之來宿季章拈放翁韻共賦

鸞喃蟬嘒各如期坐歎光陰不肯遲露下樹生涼意
後鳥歸林滿夕陽時牀頭饒睡渾如醉月下看書始
覺衰澆下清愁何物在一甌新茗試槍旗槍旗茶名

再疊人字韻奉和申延安丈

學必希天真聖學人而無道是陳人詠歸每憶吟風
日和氣曾參一月春柱折狂瀾難更障世陌長夜幾
時晨吾衰益歎茫茫緒憂道憂時擊節頻

山居感興

得朱夫子詩獨抱瑤琴
向玉溪一句七字排韻

伊尊觀界察惟理妙氣毓一二復二一無合又無析
氤氳生萬物物物具太極人靈物之最聖秀人中特

屏漢集 卷之一
義軒作鼻祖勛性湯武復修之道如何知先而行篤
持敬自言動克治在幽獨

參三由是心是心涵大道心爲氣之精精故衆理妙
精猶有清濁不同如人貌不同亦能變聖愚可同造
其理是五常五亦氣上討同中實有異於物不可號
未發方湛一中體斯可保發初情謂幾善惡此分依
發之雖氣主所發理專靠形生本危殆性原亦微奧
所以善觀者發處見得好發前性無爲發後意量料
誠爲進修基必由關夢覺治平暨位育莫非推此效
嗟哉二三子前聖百世詔今吾更何求惟此遺經抱

薰殿琴五絃徽金軫以瑤一彈解民愠捐遜承欽堯
降此征伐起武厲已慙韶西鵠暨南泥王風盡漓澆
胡元首亂統今日帝天驕道與世俱下其奈會仄朝
煌煌我 皇朝文法曾孔昭白水今杳杳 永曆何
遙遙黃河幾日清浩譎譎正高

震布陽昭德風氣中夏參箕仁旣東封孔聖亦欲臨
三韓及羅麗夷陋猶痼疾終啓我 聖朝郁郁煥觀
瞻周文漢衣冠規法尚謹嚴箕疇五建極列聖相傳
心嗚呼 孝廟世人類淪獸禽尼父大一統慷慨爲
己任功業未半殂志士血霑襟吾將裂冠冕傻欲逃

屏海集 卷之一
山林世事無成虧己廢昭文琴

竊觀上古世道學在君上自新以新民治教大宣朗
吁何及周衰尼父猶擊磬何但我遑遑斯世實不幸
當時縱未施此道不可喪以此故相傳顏勿曾三省
思誠孟直養授受真不爽區區董韓輩不能繼前往
千載得濂翁與學重指掌西銘明理一斯文振要領
河南始主敬嘉惠最深廣集成朱夫子久爲大宗匠
絲微復海廓道大難爲狀煌煌繼開業百代定趨向
胡元陋百年明儒陸是尚吾道旣東來圃老寔先倡
培養三百載羣儒貴吾黨精良趙先生淳篤陶函丈

至治三代慕正學洛閩倣繫我石潭老獨得到昭曠
丁寧理氣說可以撐穹壤再傳有沙溪德器其善養
勉齋所未盡疑文辨銖兩至於宋尤翁正氣山河釀
死生考亭學閑衛費拳踢春秋讀無地涕血蒼梧望
淵源自洙泗斯道遞主鬯水翁親受授直字煥遺命
末學迷歧路正論明心性墜緒今茫茫感慨一俯仰
聖作萬物覩庶幾其吾國不法漢以下宜致周郁郁
如何世道衰國事日就弱無乃氣數至不能容人力
天心應祚宋無往而不復豈徒責彼蒼亦有轉移策
保國在安民安民輕賦役輕賦先節用節用自宮掖

屏溪集 卷之一
輔政在用賢用賢先去慝慝去淫朋消靡不由建極
理事在紀綱紀綱宜先肅如欲肅紀綱賞罰不容忒
人才在培養培養以正學害正惟俗習崇儒乃矜式
清流在清源萬化由君德德莫如正心欲正己先克
克己能公明何事做不得豈直做事功能事畢位育
君門邃而遠誰能效芹曝還笑卞和氏涕泣空抱玉
人受天地中賢愚無等差惟欲相攻奪不覺自昏迷
無欲能自靜靜則心如齋湛如止水明平似金秤齊
森然萬象具神鬼莫得窺不是釋氏心靜傻如死灰
何人說主靜千秋挹濂溪

新昌宰李中甫

萬鎮

金注書淳夫

壽鏤

來訪畱

話次中甫韻

易識山翁家山家有老樹猶嫌俗人來雲鎖山前路
戒韓友德昭冠心緯李明贊冠事金友靜而醉
吟一絕以識之賓贊次之眾賓數十員共和之
余不敢以拙陋辭題之軸末
羣賢來冠是兒冠三代威儀此可觀禮畢不妨無數
酌更移賓席上溪欄

緯兒往在東牀受學於其岳丈寄詩以勉之

舍弟南麾兒北去空山寥落意難裁牀頭伴我梅花

在昨夜慙慙一朵開

文公送塾婺州時曾有了寧訓誠辭今日爾爺同此
意爾將此意十分知

重令之門爾勉翁應知重視一龍同言言合是頂門
劄惟此承行第一工一龍即重令
之子小字

病中聞鸞語思歸口占

簷頭新鸞語喃呢病客經春尚未歸骨瘦崢嶸須杖
起眼昏點澁看書稀妻兒疾並誰營藥秧麥課疎已
失機且負前山花爛熳歸時綠蔭滿庭扉

冷泉蒼壁歌

書寄院任留之
院中碑作故實

鬼斧削壁千百仞峯拔立之蒼溪間仰之靡窮心茫
然烟霞自生巖巖顏胡為設此奇壯狀造化者翁其
有意只擬百千萬年後生出九菴老夫子置之巖竇
讀其書壁立氣像以類此惟此頑然屹至今閱盡劫
火猶無恙風雨不壞神呵護婦孺過之皆知敬如何
夫子終齟齬摠為此壁立之故夫子之道直而剛不
撓不屈無阿好儉者巧者慝者忌愚者不知智者惑
只是人自私其心徒將異言紛沓百變滄桑確不
改益信夫子道之的夫子道固不負壁壁於夫子亦
何負是知夫子與此壁共將撐柱于宇宙暮山蒼蒼

厚溪集 卷之一
水涓涓高歌石頭思正長嗚呼先生之道之大兮今
誰托世道日棘增可傷

金永柔

斗壁

溪亭憶主人有感

已熟溪亭說今來若舊遊泉鳴松韻合山靜鳥啼幽
絕峽丁寧計當時小大憂已焉存沒感憑檻涕雙流

寄贈南塘

造膝當年 禮遇臣歸來邱壑優閒人栗翁理氣尤
翁義 香案寥寥孰更陳

君家西廡一頭鰲百里青山萬頃濤 聖世豈終高

卧爾曰惟 聖世卧能高

晚湖兄初期回薄病伏窮山不得躬造靈几下
一慟洩哀中夜撫傷殊不自勝走成九絕書寄
緯兒使展靈座而哭之詩思蕪拙不能寫盡哀
腸而亦可以監此衷否最是平日有詩輒和而
今者無以見兄之來詩嗚呼悲夫

人間日月忽晷迴一去音容不復來寂寞江湖詩句
在渚禽相喚祇今哀

自是心同臭味同當時不省異其躬于今未信幽明
隔笑語還疑尚可通

志不初期數郡民人間草草了中身榮枯脩短寧須

說千首詩能不朽人

萬木蒼蒼擁小亭雙池定水自空明花紅葉赤無人

管落日噪鵝不勝情

堂兄有坡山別業而亭名鳴臯亭前有雙池

西湖晚寄百年身悵悵新愁起白蘋只為挈山未歸

恨扁舟竟付等閒春

白蘋江閣樓名

世道茫茫殺活機人情艱危盡危疑言談猶自桐分

快何處更聞真是非

惠好何年玉澗隈滄桑回首迹皆灰秋山寂歷無言

坐淚落西風百感來

梅隴依然西郭時冥冥猶復舊歡知人間反有晨星

恨應笑餘生怨別離

吾同堂兄弟少時共侍兩家父兄於西郭宅而今豐德梅花洞

又為吾兩家墳山故首句及之

不禁一吟一涕零但聞壙唱孰箴賡九章書寄靈筵

奠西望吞聲到五更

尹友景日將西歸往見留之定計不可動寄詩

以勉之

騎牛下山肩叩角度斜陽霽色平郊滿秋光遠出長

山林不受拙城市肯容狂隨境心隨適去留自不妨

知非

伯玉當時年五十能知四十九年非知能去病真為

藥徒爾知之曷謂知

己知不復由心生事上何須更錯謬千載顏淵終悔

無誰將三字晦翁授

點檢依然舊日余更將劄脚厥初如莫云白首嗚呼

晚猶有衛公四十餘

宿錦壁亭

招招欲渡暮烟生落日含山江水明錦壁經霜今古
色風湍雜雨淺淡聲高訝擊楫潛龍吼半醉題詩睡
鳥驚一宿林亭清不禁令人便欲起經營

鳳溪曹上舍雲舉

世鵬

兄弟冠其子與孫翌日

泉浦朴生子清

河運

亦冠其姪戒余教之辭不

得則副之三加之後各行一獻禮禮之甚盛舉

也朴員外伯恭

守謹

用明字韻識之徧諸賓和

余故足之軸末時崇禎再壬子十月癸酉也

同學曹兄弟新知朴子清三加一獻禮聯日兩家行

大嶺衣冠集千秋度數明醮盃頌祝地魯拙媿賓迎

來宿永同季章與心泳心協送別於此學子八

九人亦隨來曹生霽用舍弟時字韻以別因步

其韻而略敘為學之方以贈諸生

無論未發已發時此道不可須臾離知之雖始行為

重進德宜先母自欺

舍弟送酒與李斯立倚天金君弼金靜而會話

靜而先唱共次梅聖俞韻

春色隨人淡入山柳堤梅塢不期還襟懷水月光明

際杖屨風烟浩蕩間迹似當時高卧謝學希吾黨不

違顏醉生千載滔滔是幾箇能經夢覺關

姜聖瑞直英陵寢齋守歲有詩寄來敬次以

呈英廟我東聖君延祥之祝無過於法聖祖

王而况當邦運衰亂寇賊日繁其所以不忘前

彷彿衣冠月五更 蒼梧何處叫虞聲一心 魏闕

延祥祝百感 祠宮餞歲觥後世尚令文教闡當時

寧有寇姦萌 聖人此地千季葬於戲不忌峻德明

使兒輩呼韻共賦

仙界雲常谷口緘何曾俗袂與同摻百季水石元成

癖萬斛烟霞不害饒丹壁四圍屏儼設翠峯齊聳戟

森攬休言世道方傾奪風月無猜詎見讒

前月十八日月夜舍弟奉慈氏登華岳樓慈氏

穩陟危梯不用人扶舍弟喜而有詩安晦之又

步其韻皆寄來喜慶之極次而志之

韶華在面視燈書步上危樓不用扶七十八猶能若

此百年遐福寔權輿

時復同輿小女遊臨溪濯足弄清流吾衰尚怯寒泉

水堪受西河責白頭

今四月又遊冷泉而濯足之後神氣倍清為教

癸丑除夕來侍老人於黃溪衙中賦懷示章弟
已把浮雲鞞佩看世間多少念宜刊不知顛有斑斑
白自笑心猶耿耿丹分外無須閒慷慨靜中端合極
研鑽只今為子為臣祝親壽如崗國勢盤

觀雞龍山宿東學寺

蕭寺春暄萬木晴前修遺迹暮禽鳴陰陽黑白論多
少當面誰能辨偽誠

顯廟乙巳間九翁與魯西會此論鑄事曾以鑄為陰為黑而歸

即及其說云

挽金參判而見

龍慶

不激不渝真的斟和中有守獨超今早聞陶悔羞參
拜曾擬玄銓用抑陰衰未猶思先輩業貴要能保布
衣心慟非私好伊公耳斯世知君較我淡

百祥樓下烟蕪平鴨綠江頭春水生錦瑟離亭歌露
返仙槎去路戴星迎孝忠畱勉傳家法塵刹齋歸念
主誠舉復異鄉曾不怛工夫判見沒吾寧

交情啖栗昔橋川浮世回頭五十年割華西東老光
景携罇談笑幾巖泉滄桑住脚看誰在名節承家獨

不遷最是歸來同被計靈車踰嶺益傷憐

金君弼本非不嫻於詩輒稱不能多不償債近頗肆力於此每篇佳絕亦詩社之一幸更將別

韻志喜

南豐曾恨不能詩尼父失之子羽知篇就隋珠明箇箇詞壇從此主盟推

與章弟携兒子輩遊石潭婦女亦同之炊飯作湯竟夕而還拈劍南韻

吟筇今又石門期幽興先教澗鳥知晚壑剩酣楓萬樹清流羞照鬢千絲兒孫侑酌驚烟暮幼女歡遊欲

日遲冥隱全家樂事在端閒有味太平時

金諫議士重一疏得罪 明時初配蝟島旋移

武城當劇暑水陸奔馳况念其萱闈無夏子侍似此情事令人悒悒茲將五律遙寄士重鵬舍

近來誅竄無端生况復能將押彈行諫議大夫果謫去屏溪居士劇心驚懸琴判夏梁城見折檻應從漢

殿旌只是江潭愁絕處憐君無限望雲情 魏族曰師曠之諫即

懸琴城門以示悔悟之意

偏愁六十九迴春獨子半千里外身悄悄孤燈鳴蟬夜依依落月叫鴻晨不眠獨語知何病耿結中心摠

為親委致奈如忠反重 聖朝猶賀有爭臣

元羞揲揲且籍籍惟義惟從不怕殲持斧衷披丹陛

聞迷天險蹈白波黏然非放斥為賢厄即有觀瞻聳

筆嚴盡分不知餘外事豈如逐世喜霑霑右次金吾門外韻

萬里波濤萬丈深雲天莽闊八虛襟蔡幾微果不形

色蘇鐵石能自驗心義理判昭魚取掌是非叵耐寸

高岑明明只有上穹恃衷赤庶幾監我忱右次入島韻

論事惟將大體評長河一曲亦何妨坐觀敢議睢陽

節親屈猶為晦老商壁立從前競戰出學明然後見

知長玉成終擬扶吾道不必離騷謾歎傷

答晦之謝詩

稍幸幽居絕世紛衰惟恐負道朝聞平生尚友知黃

卷晚計相隨有白雲半畝欲清心水止一刀先斷慾

桐分詩罇踈曠元無補自勉從今更勉君

少友輩講學餘與緯協兩兒習飲禮

飲規茲取矍相鄉揖讓中看德意長否者奚云王道

易可知天理此洋洋

詠老

正使百季壽百季今半過耳鳴如聽雨眼視或生花

尚幸存心力惟期益切磋朝聞夕死願秉燭着工加

屏溪先生集卷之一

屏溪先生集卷之二目錄

詩

別李學士器甫 度遠 耽羅試才御史

李上舍治伯為兩親回盃設宴老人出韻奉次

明府朴士樞 斗益 用前韻又以二詩寄示奉次

和寄緯兒

哀南生百爾 致一

成承旨子長 震吟 以今十二月十三日永歸窀

窆顧余病伏窳山無以就訣茲成十五絕聊

敘悲懷遙倩工祝展之靈座前用替臨壙之

慟

送舍弟季章之任永川

東遊紀行

四月初一日參寒水先生延 謚與諸益同宿

書院以詩志感

酒泉逢觀察使沈希天以詩贈余次之

清虛樓敬次 肅廟御製韻

五峯書院

海山亭次九齋先生韻

三日浦

楡站寺各賦一律寄高城宰權敬仲

次申明允韻

挽金公山應聖 璘慶

忠賢書院

同春堂

上聳巖

暎湖樓次圃隱先生韻

謁陶山書院

浮石寺聚遠樓次周慎齋韻

觀仙妃花次退溪韻

又占一絕用別韻

尚州邑府

寒泉書院

哭鳳巖蔡君範 之洪

明年太歲癸亥即余周甲之季滾到除夕感意

自不能禁走成絕句示同社諸老友

洪幼萬 一源 傳示宗晦祠詩軸

次季章韻

坐泣弓巖

路由大丘星州諸生連日追至皆欲請迺謁老

江書院自茶山泛舟流下江淺多灘入夜始

泊書院下舟中口占

書院講堂有懷口占

亾室令人墓

次家弟花山宴席韻

從孫元厚加冠于首格於其父之有暮喪不得

備三加禮甚缺欠酌酒醮之因命字仁伯作

辭四章章四句讀而祝之

自泚江湖舟上涵碧亭方伯李台君範 箕鎮 出

來仍與同舟登練光亭

梨花亭次圃巖堂兄韻

百祥樓

次季章抒情遠候韻

滄洲十詠

挽黃同知瑞河

金汝四宗溟執贄後以詩見志次贈

次尹寢郎休耕三代延謚韻

次舍弟桂坊直中韻

圃巖堂兄生朝在至月廿四日余之生朝亦臘月初五也舍弟有詩寄感盤溪堂兄亦步其

韻要余追和謹唯命

田時肅兩祥來訪溪上誦金子正佐巖幽居絕

句要次其韻聊撥拙塞其請

久菴雜詠

善竹橋懷圃隱先生

檀君窟

舍弟糴小舟要與沿洄亭下溯上次放翁韻
入雪岳山

屏溪先生集卷之二

詩

別李學士器甫

度遠

耽羅試才御史

石室先生昔此行後前承命盡朝英
擎山黛色千季碧橘苑晴光十里明
勝賞亦知君寵賜重溟猶比宦途平
災頻南海其誰警文靖遺風子可并

李上舍治伯為兩親回卷設宴老人出韻奉次
靈樹光瞻暎早春慶歡牢卷再回辰并爺孃壽兩雙
井一子女生四十人不向仙靈煩乞福寧曾藥餌用
扶身人間何限悲孤露是日罇筵盡聳神

屏海集 卷之二
明府朴士樞斗益用前韻又以二詩寄示奉次
風翻芍藥夕陽天牧笛牛歸柳外川澆悶槐軒傾木
酒裊香書榻逗茶烟百季心事惟琴瀉荒歲生涯早
磬懸佳句時來殘夢攪神交賴有葉冕仙

和寄緯兒

歲律三分已一分久別平生有此番可忘朱塾數條
誠且業伊川十日文無事元非斯道在隨時檢着是
心存遠離膝下寧吾願爲汝惟祈用志勤

哀南生百爾

致一

尚憶溪堂講罷時清宵霽月上釣磯春還更有朋來

喜何處相携百爾歸

篤寶看無與子同一年能有一年工闕其方進嗟何
意此理吾將問彼穹

黃岳山淡靜坐并寒泉編共傍繩牀老僧爲說君勤
學時若前言不可忘

鷗淵有約數年棲書篋君期共我携萬事今隨流水
逝不堪重踏道村蹊

那堪下室晝哀聞又有高堂血淚捫漠漠九泉應爾
恨不知何處慰孤魂

成承旨子長

震岭

以今十二月十三日永歸窀

窅顧余病伏窮山無以就訣茲成十五絕聊敘
悲懷遙倩工祝展之靈座前用替臨壙之慟

奇禍由來權貴因無關窮餓讀書身猶然不免奈其
命何怨於天何怨人

一死雖云無奈命臯招中露又胡為身鳶螻蟻君何
擇萬事如今只嘅時

鯨波容易笑談之黑島惟將几案知九死悔無臨絕
語正看天理勝人私

胷中勃勃歎明時不覺身終蹈駭機今若謂君無所
受伊川欺我栗翁非

時公族人以討逆義疏斥當降其疏謂公與聞終死謫降昔伊

川代彭中承栗谷代
白休菴構疏故云

君携大易我朱書巒岫蒼涼月上初講說融融朋契
始回頭三十四年餘

論說古今人是非程夫子謂一端知分明邪正陰陽
際高着眼來無叟疑

性存拙戇人生直心不佞儂赤子純薄俗何知吾道
在嗟乎不遇世之淳

文章一代擅聲譽義理程朱討緒餘從古難為當世
用巾笥惟待後堯夫

登臺白簡尚風稜嫉惡剛如逐鳥鷹眷眷孤忠當世

志履霜憂切至堅冰

為民無害踈於事誠信惟能誦二天最是雄饒經幾
邑歸來不起夕炊烟

此事人間絕可憐如何餓死大夫賢忍聞剪髮供糜
粥病裏終然不下咽

數行曾誌瑞朝殤一女先亾一女孀
斃子螟兒無告訴死生畸豐絕堪傷

十月聞君錦水亾空山哭我北風長平生誼重加麻
在往事文仁一撫傷

聖愚心辨五常篇評去說來幾百言縱有新知誰更

叩摩挲舊草欲聲吞

病我西湖執紼違當時親友哭君誰
新阡北望寒雲重瑞九應同此老悲

送舍弟季章之任永川

世間事與人俱生有合豈復無離別別亦常事不足
驚有別輒使心惘缺儘乎人情無窮已况我此別當
白髮

右并下詩屬離別

白髮元非別離時况今別離在錫原孤露依倚相為
命君惟我依我依君君不朝來我夕往將奈千里相

銷魂

空山寂寞悄然坐短吟長歌不耐愁溪日已落風吹
急谷雲欲起山更幽玉屏居士奚惆悵送弟將行嶺
之陬

右屬自家

五馬將行故不行遲遲此行遲爲誰久菴老兄今白
頭獨守空山下書帷向來姜被樂未央不忍今朝遽
相離

右屬舍弟

阜蓋君向嶺外去肩輿我來遠于將君東我西各分

袂驛亭長短雲蒼茫欲歸不禁淚潸潸獨立高阜遠
相望

右驛山送別

錦水春寒波不起嵯峨白堞橫青嶂城上孤樓拱北
辰樓頭北望懷疇曩何年雙樹獻首馘撫時不覺增
慨慷

右拱北樓

華岳樓上春日明臨臯太守住征轅黃溪士民歡相
迎爭道黃溪舊使君知君遺惠至今存想有壺酒相
慇懃

右到黃澗

五馬曾陪板輿行四載榮奉專城養春和時入冷泉
中夏炎或登清樓上山川依舊不忍過物色照眼增
悽愴

右愴舊

黃溪向上黃鸝淵一曲巖泉佳可遊知我平日夙計
存誅茅已擬溪邊畱臨臯道里此中半欲得音書寬
別愁

右黃鸝淵

寒泉院中絃誦聲斐然諸子不可忘當時儒化至今

在負笈來我同書牀君行儻過喚鶴否使我不禁清
夢長

右屬寒院諸生

馬首潺湲聽鳳溪長松立立寒杈枒松林中有處士
家處士安否今如何尺書時復相問信梅溪後承誠
可嘉

右屬曹上舍世鵬

洛同江上春山妍洛同江畔晴沙明征蓋南去路千
里鄉山西望難為情惟有天際一髮青八公山色如
相迎

屏溪集 卷之二
右洛同江
公山之北是花山花山是爾童子遊十三爾隨嚴君
去中間四十一年秋遺民爭道郎君榮孤露想增感
涕流

右到新寧

向者我自道州至士民歡我如親戚君行想如我行
時民情於此大可識不有先人實惠存慕嚮何至我
輩篤

右屬新寧士民

先人治新六載間新人望之如父母當時舊民盡零

落子孫猶稱尹侯某峴山片石只尋常煥然明宮報
祀厚

右鳴泉祠

花山山下谷鳴泉祠號因以谷名稱前堂門廡略體
具禮儀秩秩儒宮徵君今作吏鄰治去祗拜想益懷
兢兢

右謁鳴泉祠

憶昔吾輩子舍遊膝下兄弟俱在時少季事事多可
笑有時思之尚依稀始知歡娛於斯盛今雖欲爲何
能爲

右花山舊遊

小閣懸崖勢孤高曲欄俯瞰清流漪千峯花山影遠
近萬竿脩竹風逶迤歡娛舊事尚內記燈燭琴歌下
樓遲

右環碧亭舊遊

山雨初晴溪水漲百丈走瀑聲轟轟肩輿往臨駭心
目寺樓詩成暮鍾鳴歸來月色柳川外醉聞長笛三
兩聲

右修道觀瀑

天設層巖忒怪奇上聳千尺高八雲同堂兄弟幾携

徃向又錫令同攀援南菴來見露真面岳下謙齋為
余言

右上聳菴

點檢平生攻學業多在花山五六季又是花山六季
業最於山房用力專不怠携書上寺時珪師輒來迎
槐邊

右佛窟寺攻業

鶴巢臺上鶴來巢鶴去臺空幾百年蒼壁戍削臨臺
上清流汨瀾環臺前同遊朴氏俱無恙何時更與遊
臺邊

右遊鶴巢臺

長水驛前柳欲青
朝陽閣上春尚早
六角鳴鳴旌旗
耀軍吏奔走來
先導太守分符新
到任士女加額爭
環道

右屬上官

使君昔詠桃夭詩
灼灼春華時
欲暮當時少妓俱
白頭纔罷衙拜笑
相語鳴鴈噉噉如
昨日東牀少郎今
如許

右屬季章新婚時事

永川之人相語曰
吾永幸得賢太守
永之與新壤界

接曾聞先侯仁政久
况有黃溪口碑在
永今庶幾其蘇否

右屬永川民人

先人爲吏非俗吏
政法不尚聲赫赫
一心傷視發於誠
吏民愈久愈信服
永人之望真有由
曷不先人以自勗

右說先人治法以勉

永陽地大人民衆
自昔皆稱邑之岳
推誠猶可信魚豚
何況伊人同此心
天下九經由是誠
用此何難一郡誠

右說治郡

俗吏以法爲治務不識教化治之本教之以學儒化
成忠孝禮讓入皆勸叔子言之大畜傳不尚威刑治
可善

今之學教業時文時文何與教化哉十日時文有成
法合主經學培人才鄒魯舊俗可庶幾豈不少變流
風乖

士子可敬可以禮小民可哀可以愛御吏不必先意
酷有罪只可無少貸威生於廉畏於明見憚元來惟
我在

生民倒懸難毛舉檢田簽丁尤弊弊薄斂寧爲損上
賦恤寡惟思益下計 先王立國重士夫徵庸無虐
士夫裔

聖人惟能使無訟聽訟猶人亦難焉天下何事孰不
慎惟訟與獄尤慎旃噬嗑大人尚中正君子以之能
無愆

昔我南遊有餘債十年夢踏嶺南陬清涼山北小白
山換鵝亭南轟石樓因君復欲濟勝徧朗月清風霜
菊秋

右屬自家南遊之意

屏溪集 卷之二
去年君入漢陽城一年離別半年過全家猶在此山中不復怨君不在家今日携家踰嶺去千里怨別將如何

右叟言別意

別懷寄在詩上去三十五章數百言黃新舊遊一一書道途形勝歷歷論臨民數事意最勤味之其言宜不謏

右摠言

東遊記行

崇禎再庚申春季日癸亥久菴老居士迢迢將遠邁

行裝薄蕭然騎單僮數介緯暨叔約從左右行李戒江門延謚會意中經營在斯文甚盛舉士林遠邇屆况我舊門徒諛敢諸生殺金剛夢中碧半世有仙債及此未盡衰遠遊計一倍江行轉而東豈令興全敗誰謂鶻花時不如霜楓待立立白玉峯真面元無改何論春與秋一見心目快垂老當行役旋覺氣衰憊千里今不憚身輕意灑灑叮嚀語山妻我歸仲夏迨又託從孫丁菊梅護得乃分付耕奴猪秧播惟汝宰晚發玉溪庄暮止鶴城界布穀知時鳴和風吹蓓蕾浦洲日初暖游女倦采采金沙舊主賢迎我懸榻解

祠儒二三友要我旅窓話罇酒勞遠征澆下愁隗磊

右發行

維歲四月吉天朗而氣清白幕連江雲多士四方傾
冉冉天郎至鼉角導前鳴 賜諡部吏傳差員雙手
擎設卓展寶牒射日光崢嶸木主地上奠禮若躬祇
迎郎官一讀宣生死悲喜并主人四拜受肅禮代神
行文純傲程朱近依李先生於法懿且感洽慰士林
情吁嘻昔重陰斯文奇禍縈不有 聖明在孰能讒
誣明禮遇自 先朝盛典今易名罇酒娛諸賓敢辭
此筵觥

右延諡

祇拜廟庭退齋儒禮以賓院隸執筆硯院錄遵例陳
題名卷末已翻閱多大人忽見我祖父手墨尚如新
當時四弟昆來拜知何因孱孫百季後見之却傷神
曾聞丙子亂我家避胡塵始八龍門山謂淡可藏身
中夜夢警告蒼黃踰嶙峋翌朝掠胡至畱者盡陷淪
驚恐轉入溪道途久遭迤竹陰趙夫子王父爲姻親
是時分符竹爲吏鏡湖濱藉此踰嶺來糶貸賑羈貧
簞壺有多士且賴峽俗淳半歲此地寓編戶與爲鄰
拜院在此時書在丁丑春吾今名在後不覺興感頻

右感舊

行行沙上行無數海棠花節晚開不盡孤負爛熳華
鑑湖明一曲清曷殊可嘉九峯石嵯峨望若起初霞
金剛萬千峯迢迢雲外賒北岸松翠淡曾是萊仙家
手書飛來亭籠之以碧紗奇變鬼神驚海若亦咨嗟
風濤忽震盪雷霆雜雨加俄看飛一字風吹渡海遐
蓬萊在湖州是日魂招些實非人間有儻爲龍王挈
人筆一時沒事豈偶爾耶千秋傷古事朗詠步湖涯

右鑑湖

赤壁花灼灼南江水泐泐官吏艤小舟須我江之濱
平郊曳夕烟古城眺晚雲蓬萊館裏仙迎我展慙慙
引我海山亭仙酒飲我醺東瞰大渤澥風濤日夜聞
西瞻萬二千玉峯翥鸞羣此惟左右望亭名海山云
刻削七佛巖化翁費斧斤波盪若出沒洄若濃霜氛
日月出其間居人俟至分尤老昔登亭高唱掃千軍
高溪闊襟懷吟弄挹餘芬中宵聽爽籟罇罍生氤氳
魂清夢依依疑見紫陽君

右海山亭

金剛猶未到遙望雲蒼蒼更聞東海上亦有海金剛
不妨先濟勝何憚舟輕颺太守同驅馬平野下蒼茫

屏溪集 卷之二
小吏告理楫亦已具杯鐺移舟一回轉石削萬千崗
或低三四尺或高十丈長或緣崖岸立或在水中央
或頑如獅蹲或尖如戟鉞或橫如老松或直如帆檣
或赤如赤城或青如青琅或曲浦迤入轟轟環四傍
或枝麓陡入巉巖赴中洋奇詭百千狀一一不可詳
緣崗棹容與下上十里強妙哉造化工無物不亭當
若此至纖細愈細愈商量人於天下事可以小忽忘
澄艷水徹底魚鼈不能亾鮑夫射鰭出罟師亦網張
烹鰾碧海水船頭侑我觴時有海鷗至萬里來翱翔
來去爾自在不知塵中忙無怪荷篠翁歧路笑彷徨

右海金剛

松翠中間見一片小湖白三十六芙蓉蒼蒼半松石
宛轉屏幃開暎鬱雲霞色白石中突兀小島上迫窄
亭亭寄小閣四望勢孤特曾聞述郎徒蹣跚四仙客
八浦畱三日丹書煥靈迹後人撫遺躅浦名且亭額
白衲來擊楫閒淡亦一格擊汰忽近遠容與覽澄碧
南崖讀香碑古事問誰適西崖辛苦登楊仙畱筆蹟
烟波返古寺林靄翠滴滴山秀暎睂睫相看道氣積
平生此經營一宿遂舊約終擬寄全家不復仙緣薄

右三日浦

屏溪集 卷之二
向上纜一啜崖腹已橫縞超身上巖梯欲立僂足脫
下視餘十仞壁削水濺濺萬一手足失瞬息死生決
按崖緣繩把足躩步難闕小心悚百體恍惚僅度越
逶迤坐松根瞪目但脅息審視次第上益覺神懷慄
崎嶇百轉折壁勢又直截搖搖六七丈罅葉繫綯葛
懸身直下上性命委一絀如是蓋三四近遠十里約
其險雖如此亦有可以說神完手不錯萬無一蹉跌
吾已審量熟濟勝不自遏若或心手澁誠恐易顛躓
撥勝固等閒不必強唐突寄語後來人戒之慎毋忽

右崖縞紀行

匄吼已辟易悚若不可入凝神整衣巾踏仄詳步蹠
四顧不暇坐擡首愴怳立無端大川水飛來直下壓
落疑雲漢瀟倒若天柱挿崩湍爭雪堆飛屑紛雨集
潭靚極瀕洞悚然不敢狎雲雷百變作應有神龍蟄
僧言約百丈朴淵直半及毗盧三十里九井下流合
源遠眾莫比水大勢滾急環立幾千尺鋪展幾百級
高低全一石光鮮玉潤浥百無一其歎靈境靡不愜
造化大經營天下豈重疊興足意得得故不憚危路
所以宋先生八十亦跋涉大刻龍窟前精氣尚燁燁
題名大石面丹字如血畝山靄和寒屑霏霏向人襲

屏溪集 卷之二
山高日已晚歸袂松風颯

右第九淵

灩落淵爲三石穿形如鉢盤陀一全石炯然白而潔
又上一牛鳴灩流石俱滑居僧忽裸體箕坐乘流疾
疾如板上丸不啻嶺乘雪山中備古事客至依例設
禪樓進午炊西嶺踰截律地曼圓通寺巖怪松風窟
或輿或策藜干雲上朴達二嶺入山險飛鳥所難越
寒風吹不歇萬古惟一穴巢空青鶴去惟照前山月
棧橋入指點佛頂傍突兀遊客惜虛過輿僧瞻落日
路入萬木深逐溪轉百折蒼翠榆站寺聊就上方歇

右鉢淵紀行

西佛五十三何年東海濟荒唐石航事恍惚榆木憇
金身妥枝間剏作自羅世偈偈緇弁庶煌煌金殿麗
身去靈井在龍歸古塔揭可笑盧太守塑像經千歲
如何閔翰林記幻太仔細金珠五十行誇客發淡閉
僧言自大內箇箇盡宮製嗟我禮義邦猶有勝國弊
那說四方感宮自好高髻頃自上院來事大有猥戾
采殿位 光陵處處非一計從來按道臣胡不釐駭
例徘徊小澗下聊以攀叢桂金丹幾時成若聞雲鶴
唳居僧引我憇石磬響迢遞

右榆站

溪樾聽隱隱萬瀑聲匉匉八潭自上下火龍已看驚
船龜緩步經碧霞最有情潭北大香爐亭亭似金莖
闖然兩崖間香城蘸潭清九翁廿八字佶屈露精英
纜過白龍潭珠淵噴水晶散瀑真水簾澄綠愛小泓
青黑兩龍潭巖水皓共明小香金剛臺五賢挾溪并
三峯屹相對蒼蔚雲霄撐蓬老昔落筆勁然氣崢嶸
淵蛟失變化勢與毗盧爭四崖無完面細鏡今古名
回望上頭際可直數牛鳴或凹而或凸或鋪如盤平
近遠互一石炯然光潤生或懸或偃流或潞必科盈

晃漾同澄淨雷雨無天晴羣巒傍錯落萃若天宇擎
高低渾絕壁罅有樵杉縈規模大而具鬼神費經營
誰云欠展拓蔚然眾美呈仙臺亦下風餘區不足評
翳翳日以夕好鳥鳴嚶嚶清涓濯肺腑淡泊塵慮輕
穿藤拂厭泥石砮忽門成悠揚表訓磬漸聞林外聲

右萬瀑洞

文谷國蓋臣正人先自正端笏百僚上阿誰欲打敬
筵討背師賢疏折誣 母聖冥冥碧波島師友黨禍
併

右金文谷

質明起盥洗肅肅墓前拜告以子鳳五某日除郡宰
榮省此日來不暨痛隕倍遷合在癸卯今遽十八載
當初壙內土色青性踈餒復水害無晝宵憂悶每
近得永奉地蘇城郡北在坐坎水歸午八局真正亥
己於丁亥冬慈葬於是改移此要就彼吉運來歲待
元來堪輿說傳會多誕怪其或實理在微昧亦難解
彼此真吉凶那得心下快邇來寤寐念心焉如有憑
彷徨墓上下怵惕不敢怠

右拜先府君墓

我愛爾景平吾家賢學士表裏無塵俗冰壺貯秋水

名譽自童穉文章拔萃類見識超古今瞭然有條理
當時大論人孰能明義利未忍失吾守若將甘枯死
初非棄 聖世只欲秉此義郊園樂肥遯故山足蒼
翠閒中味淡泊親近惟文字毋徒做好人直前擔此
事人慾減分數聖學元差易占地已三四惟在篤吾
志顧我老無成鹵莽誠有媿藉爾高明才實欲益於
此雲山各迢遞會面無由致今來半夜話何能究一
二乍合旋遠別臨風悵餘意

右訪景平

天兵昔東來大戰前後兩赫赫李提督箕城始挫搶

屏溪集 卷之二
桓桓楊經理此地竟掃盪東人說古事凜凜氣猶壯
平原利躍馬漢軍勢颯爽跳躡一場盡平原流血漲
摧鋒不復北走歸雲海漭微一二臣萬里皇威仗
我其爲魚肉豈復再造望嗟今玉帛路公然幽薊往
雖迫不得已反若 皇恩忘天下寧有是志士血相
向惟有痛冤意傳守在吾黨莫謂講無地春秋讀撫
掌噫嘻彼讒甚念之惟悒快文章月沙翁卞誣曾昭
朗沙碑與南祠我人足慕尚驅馬古戰場感舊增悲
恨

右楊經理戰場

行役旣云歇吾方在吾廬壇槐漲新綠濃陰滿庭除
新醅待我釀一盃襟韻踈餘興尚清夢萬瀑蝶遽遽
覺來至玉屏杖屨臨清渠清坐水哉臺萬象羅襟虛
向來名山水非不驚起余一賞不復致小溪還不如
此可興便到朝夕枕漱餘流峙但會意不在大小且
元非汗漫意樂吾溪上居歸來坐整頓聊以讀吾書

右玉屏溪

四月初一日參寒水先生延

諡與諸益同宿

書院以詩志感

勿謂哀榮此已遲斯文幸際

聖明時文能朱繼其

誰議純自程傳可永垂堆案殘書留幾卷滿庭交翠
尚餘滋華筵酒後增悲感墜緒茫茫媿莫追

酒泉逢觀之使沈希六以詩贈余次之

蒼髮韶顏六十翁旌麾每在白雲中官醪仙液隨身
在騎鶴楊州太守同

清虛樓敬次 肅廟御製韻

悲歌中夜淚如泉謾憶 先朝聖德全 宸翰尚并
睿藻在晴嵐長護彩雲連世道今看流水下斯文每
說劫灰前彷徨朗誦孤衷激耿耿殘燈不着眠

五峯書院

海東亦有尼邱山遺像崑然屋數間爲是名同降聖
地後人猶不等閒看

天下胡塵魯亦腥麟經大義獨吾明丁寧當日東浮
意庶幾歆茲黍稷馨

海山亭次允齋先生韻

大地高山只一心先從方寸細推尋幾曾討理看庭
草不但研機聽蜀禽東望扶桑千古闊西臨楓岳萬
重溪先生襟抱今追想遺韻猶令起弄吟

三日浦

丹書遺迹訪丁寧三十六峯環翠屏半世幾聞三日

浦百年今上四仙亭寒松寂歷烟霞寺落日蒼茫鷗鷺汀明月清宵僧共宿金剛先入夢中青

榆站寺各賦一律寄高城宰權敬仲

鶴篋高城守相逢皓四仙扁舟三日浦一醉九龍洲山水仍奇會烟霞又別筵何須念衰暮楓約欲無愆

次申明允韻

君初髮白也宜驚我奈渾頭千雪莖徂歲光陰憐久別小梅罇酒足閒情道無經世窮何怨理各具吾歎不明伯玉知非加一九工淡抑戒儻能成

挽金公山應聖

麟慶

昂昂氣槩見來稀博識宏詞畏友知曾厭看他齷齪輩終為欺彼細麼兒祥歸長德宜神報窮萃伊身奈命奇棄棄已甘依分在悠悠世道不須悲吾家叔母是君姑談笑曾同膝下娛魂夢白門渾錯漠水雲丹寺一鳴呼棗憐缺萼惟咸小氈悼無傳但貌孤少日朋知餘白首傷今撫古涕霑濡

忠賢書院

雞龍北奔馳嶙峋如束戟疊嶺繚以阻邱壑下穆穆孤青此棲止講學餘舊躅平生好學志不拘寒微迹不待先覺覺酷嗜朱子學一幅真影在親切拜朝夕

於焉妥祠奉水石煥丹碧恭惟夫子道大成集關洛
如日麗中天大明照萬國發揮前聖書理義靡不析
若孔賢堯舜萬世蒙其力天地所覆載血氣皆尊服
自夫道既東羣儒蔚興作淵淵七先生肅肅同祠屋
重峯律律高所學元正直斯文大是非一毫無屈曲
憂時慷慨說反被妖言斥義結七百人樹立終卓卓
真同虎皮詩死後方嘖嘖沙溪真正學行果守以確
魯得同於曾人一己能百知見本實踐說禮大明白
潭溪正派通授受最端的如宋李延平繼開真統嫡
慎齋文敬公行誼尚謹慤周旋父師際德義親薰炙

平生敬字工造次終莫易論政守王道小大謹繩尺
無忝賢父子終焉稱三達九春兩先正源派同一脉
衆星如拱斗斯道盡羽翼宛若函丈侍禮嚴義別特
嗚呼二李公名節以自勗有異淵源學如何同餼食
南康雙廟例後來可遵式徐公亦報祀小祠設其側
千載共永傳罔愆薦黍稷嗟哉吾黨士尊師靡不極
尊師必師心庶幾有實得

同春堂

繫馬喬木陰怵惕上春堂陽和尚舊春悅疑襲餘香
乾元本生生我仁亦子良萬物同一春此意彌洋洋

屏溪集 卷之二
楷端瞻二字氣像猶可商溫然金玉相令人鄙吝
明誠兩造學洛闢以憲章下資賢師友上逢聖虞唐
賓師兩朝禮聖學幾消詳嗚呼夫子世最際邦運
昌自夫世教衰斯道日以喪吾黨又不幸淑慝分陰
陽先生若在者辨論宜直方紛紛昧同道妄意自低
昂舊堂空牢落巋然一靈光瞻依亦在此小子來彷徨

上聳巖

高秋玉笛興全濃晚逐溪雲度埭東霜近一山全栢
翠峽深八月已楓紅伽藍架壁憑虛迴彌勒無靈化

燼空萬木披來忽嶺上山河今古倚西風

暎湖樓次圃隱先生韻

山河興廢幾番多游子登臨感意加形勝高樓橫百
代雲烟萬樹擁千家鴻鳴沙岸初生月秋老蘆洲半
落花一水澄明銀漢接翩翩直欲學乘槎

謁陶山書院

每讀陶山記不禁心神逞書堂十八詠光景森紙上
今焉足日到悅矚前度掇下馬谷口門仰瞻巖棲榜
堂隅坐竦肩儼若叨函丈益切生晚歎莫覲真氣像
吾道既東來圃老實先倡中間數君子靡不重吾黨

惟我考亭學先生大宣朗沈濃以發揮實踐由存養
蓄德五十年英華著粹益諄諄善勉學後學猶興想
治平本誠正奈何別人讓無亦世不幸士林迄歎快
君子大出處小人論之妄張皇理發論自信無差爽
高峯來質疑非為敢頡頏後來諸先正論說非一狀
此處非等閒去取安所做肅肅拜廟訖天淵臺上向
小江清瀏瀏遠翠開野廣飛潛妙上下吟弄乍俯仰
歸路濯纓去回首黯青嶂

浮石寺聚遠樓次周慎齋韻

百代新羅國千年太白山客來黃葉裏寺在白雲間

莽闕收瞻眺滄桑盡等閒樓頭語衲子世事佞他還

觀仙妃花次退溪韻

枯筇廡下植參門春色千年自化根認是禪方常理
外造翁故與別般恩

又占一絕用別韻

草木榮枯一古今謾將神怪示禪林淡知老宿還多
事爾道無心却有心

尚州邑府

士卒何季没山河百代羞只緣元帥誤遂有二陵
讎倦馬西風晚哀鴻落日秋姑城遺恨並黓黓嶺雲

愁

寒泉書院

屹然千仞壁，翠拔巖巖勢。不仰亦不俯，特立千百歲。
 仰視令人駭，下馬若將拜。欲識宋先生，氣像於是在。
 先生間氣生，天意擬衰世。斂將豪傑才，戰兢中自礪。
 律律峙喬嶽，恢恢振巨海。學究考亭緒，上沂洙泗際。
 門牆崇且淡，那得測造詣。乾坤一翻覆，邱壑始自誓。
 夢罷茅廬出，乍結魚水契。未半忽崩殂，可惜天下計。
 空山叫虞舜，白日照血涕。猶將世道托，九死矢靡悔。
 難忘拒闕義，肯辭終破敗。光華暮季籍，慘惓楚山裔。

自茲六十年，道與世隆殺。華夷大義理，擔在一身係。
 天地不可無，儘乎夫子大巖泉。煥明宮芬苾，肅裸酌
 何年此棲止，古礎猶磊磊。從來大君子，至道靡不屈。
 未必杖屨地，獨虔揭享禮。彷徨以終日，仰止一長喟。

哭鳳巖蔡君範

之洪

契以同門託，知因共臭淡。周旋資鹵學，往復究傳心。
 庶幾張吾道，咨嗟弔士林。丁寧二三子，墜緒勗相尋。
 性別原歸一心，仍氣不齊還。他各同異實，我有提撕
 袖手雲林晚，拂衣世路低。抱經惟自靖，吾道本棲棲。
 來自蓬門下，延英覲尺天。此非常有者，真若可為然。

屏溪集 卷之二
逡選歸虛美蒲治未半季不容棲枳棘何議席能前
禮告門人計月陽日戊喪亾君道寂寞哭我涕縱橫
鶴怨號空塢雲愁逗故牀儒林鄭重意粉字蔡先生
攬涕師門藁離修質復誰南塘相對弔後死一般悲
問答看精義心期在遺辭悄然掩卷歎何處夏顏脣
明年太歲癸亥即余周甲之季涼到除夕感意
自不能禁走成絕句示同社諸老友
愴念今吾以降季人間孤露獨茫然欲爲孝悌其誰
爲百感懷來涕淚漣
最恨迷吾夢覺關著微那得謂窺斑不行不善知先

在秉燭猶能可學顏
最恨知之行不能每於行上輒兢兢行之必也先三
省策魯猶能可學會
最恨愈微道愈離平平欠失略提撕此心萌處尤難
慎尊德猶能學于思

洪幼萬一源傳示宗晦祠詩軸以宋士能能相
意欲余和之余念南澗精舍即老先生末年棲
息之地也後奉朱子真幘以老先生影配之屋
久摧圯頃年改建祠移奉余時忘僭陋敢效文
字之相矣竊以爲不但吾道之統在此天下腥

穢惟於此而可讀春秋每欲身詣祠下仰瞻兩
先生遺像以拭滿襟之淚而病伏窮山東望翹
首只臨風寄想今觀軸中詩寶次蜀丞相祠韻
則其有感於斯者可想今日吾黨一般懷也茲
謹撥拙步之送示士能

高懷老栢蔚千尋歲暮遺祠氣肅森曾說一宮同餽
食正緣千載作知音集賢儒大看成業後孔朱稱只
授心一部麟經斯可讀廟前吾擬整危襟

次季章韻

雪盡溪沙日欲暄仙橋將踏上元春莫嫌無酒迎新

月猶可清詩作令辰

坐泣弓巖

在華陽九菴先生每哭於此
孝廟諱辰先生每哭於此

中宵血涕叫蒼穹陟降神應鑑我衷當日 君臣大

志事可憐終止一靈宮

大義未伸而只
成萬東祠故云

路由大丘星州諸生連日追至皆欲請迺謁老
江書院自茶山泛舟流下江淺多灘八夜始泊
書院下舟中口占

日落江空秋水清茶江西望老江平孤舟十里烟波
去夜色蒼涼星斗明

書院講堂有懷口占

不識先生道南州是廟成東方後朱子大義服 崇

禎滄海靈襟闊肅秋氣像并真知夏誰有世道回難

平鄭丈岩諸先輩之意以為嶺南不知九翁學朱子明春秋之道為建影堂於此云

亾室令人墓

草沒荒陂日欲斜牛羊下盡牧兒譌百年契闊今寥

落駐馬依遲愴涕多

春翁每說人生死萬事無如好子孫地下理能冥佑

否應祈化化造翁恩

次家弟花山宴席韻

爭言先治一醇真不尚名聲尚惠人碑已百千萬民

口祠今四十一季春非威以猛廉生謹不遠惟誠信

若神吏士猶聞歌召父慤勲亦我視如親

從孫元厚加冠于首格於其父之有暮喪不得

備三加禮甚缺欠酌酒醮之因命字仁伯作辭

四章章四句讀而祝之

名汝元厚而字仁伯在天謂元人仁不忒其用則普

其體則直於焉攸居是汝安宅

偏言曰愛專則統四既具於心靡不體事為狂背茲

作聖循是聖狂之分汝惟念此

仁固汝鼻為仁在乃或奪之氣欲以之害措之不己

恐全背戾克己惟敬行敬則禮

皆名用厚命汝尤厚曰元曰仁莫厚汝有厚之惟汝
常目在右天其福綏以爾壽考

自泃江湖舟上涵碧亭方伯李台君範

箕鎮

出

來仍與同舟登練光亭

落落笙謔擁畫樓烟波移繫碧亭舟浮天泃水千年
闊羃岸長林十里稠曾說江山稱第一試看佳麗孰
能儔如非箕範居茲邑未必西湖獨物尤

梨花亭次圃巖堂兄韻

落盡梨花生綠陰百季懷抱此登臨 恩溪東土重

恢日坐想西京不背心 華綉在楹寧可昧 御香
薰樹若能尋鄰祠知有聞聲感梁甫遺篇爲一吟

百祥樓

山河閱盡二高麗畫閣巍然百尺危野闊江流天際
入時移事蹟夢中疑安城眞贗猶難辨七佛荒虛更
問誰直北遙看周道砥年年玉帛幾人悲

次季章抒情遠候韻

泃江西去幾臺亭歸路看雲意不停憂患人間驅似
策別離天畔散如星計違仙嶽愁孤鶴夢入郊原詠
隻鴒可但前期少日易去應丹葉未全零

滄洲十詠

朱子詩願棄人間事
吾道付滄洲為十韻

三秀一年中齋名標所願胡余志未成努力宜千萬

右一三齋

萬理要能明私邪先撥棄伊究聖賢言可求不盡意

右圖書

園治心不治寧物累於人未害陽昭至林林自在春

右園林

古樹蒼然在亭亭雲水間小壇講禮罷靜坐心更閒

右槐壇

逕茅恐就荒除治日為事君子履攸宜視如周道砥

右松逕

黃中貞即正中正亦存吾歆汝遂天畀善觀我友于

右菽砌

兼獨本隨時窮達寧異道窮歸有石田蘇子足堪笑

右石田

朝朝驛使忙君命有分付更願德之修其行速傳

走

右驛亭

卓乎勢特別不肯改桑滄氣像何人似大東有華陽

右武山

車南錦之北新號古滄洲究竟大心法捨斯何更求

右滄洲

挽黃同知 瑞河

躬履兢兢著心持孝友敦何煩父兄誠無間弟昆言
檄為專城喜操猶苦槩存遵先能範後衰世德門尊
邈余年德後講世弟兄倫臭味傷衰俗浮沈儂散人
緝曾子以貴金又壽為因白首平生誼題詩哭暮春

金汝四 宗溟 執贄後以詩見志次贈

凡聖元來一理通復初能遂十分功河南敬貫明新
止濂老誠成性道中羣聖統傳洙泗大六經義到考

亭竊看君有志真儒學惟在先知後踐躬

次尹寢郎 休耕 三代延 諡韻 坡平府院君汝

國舅也左贊成任即明廟乙巳被元衡輩構
禍而死兪津縣監廷俊 仁廟甲子迺變戰亡
于猪灘 贈參判皆禾 贈諡
今五月二日始得一時延 贈諡

寶牒初頒海滄村幕幃風靜日皦皦 寵加三祖申

天部 榮侈孱孫屬寢園有孰主張家國禍看今輝

嚇死生 恩陶翁失勘還他偶淡意寧同眾枉門

次舍弟桂坊直中韻

憐君走馬 禁城頭霜雪霏霏上弊裘殘燭看書聞

玉漏明朝挾冊侍 銅樓祈天每喜 睿知進念世

徒憂肉食謬照眼梅花驚歲暮長衾悵不勝愁

圃巖堂兄生朝在至月廿四日而余之生朝亦

臘月初五也自近孤露不但感傷彌增老去星

離尤無以一成歡會舍弟有詩寄感盤溪堂兄

亦步其韻要余追和謹唯命

義皇畫到八生八晬日今經六十三慟倍叔程那酒

設悲淡子路幾魚含鴈行身外單兄弟蟄影山中各

北南惟冀榮歸春暮約溪堂歡會剩能堪

田時肅 雨祥 來訪溪上誦金子正佐巖幽居絕

句要次其韻聊撥拙塞其請

吾非待足足吾生花竹盃罇滿意清分外何求求豈
得閒中惟此愜幽情

久菴雜詠

元來天道能悠久惟聖體天庸德明余士希賢安敢
擬猶祈學久庶幾成

右久菴

昭昭八字文公訓尤老丁寧詔後人無地春秋今可
讀悲歌謾憶泣膚身

朱子晚年痛春秋大義之終不
得伸以含冤忍痛迫不得已八
字春春焉尤翁於臨命以此八字托於遂
翁謂吾黨之士存諸膏中守而勿失云云

右含忍齋

善竹橋懷圃隱先生

即先生立懂處當宁辛酉御製數句銘立碑

萬古綱常有此橋悲歌激烈尚干霄理明寧或迷天命義大惟知死本朝吾道東傳文不墜宸褒西鏡日爭昭罔臣授範無相悖啓佑功專我反聊

檀君窟

首出君神聖唐堯與並時靈檀參瑞莢虛广視茅茨氣化仍初祖人文又一箕吾東賴比夏感古起余衰舍弟糴小舟要與沿泖亭下溯上數灘乘暮而還拈次放翁韻

三盃一笑卧雲邊山水吾今却有緣未必天行能化

羽脫然塵去是為仙烟霞積氣連呼吸楓榭寒聲雜寤眠短棹鷗汀容與返晚茶清興欲翩翩

八雪岳山

見一峯尖潭一曲已知山水幾層奇一回神駭再回笑百轉令人舞蹈之

屏溪先生集卷之二

